

朱琛著

洞庭東山物產歌

洞庭東山物產攷

洞庭東山物

產攷
朱家瑛

民國九年庚

申秋月初刊

洞庭東山物產攷總目

卷首

輸出表

運入表

表說

卷二

石部三種

土部一種

果部十七種

木部十七種

卷二

灌木部四種

籐部四種

草部四種

穀部十一種

菜部九種

蔬菜部六種



卷三

根菜部六種

葷菜部三種

香菜部一種

菌部二種

水菜部三種

水果部四種

水草部二種

器用部三種

禽部八種

水禽部七種

卷四

獸部六種

鱗部十二種

臍鱗部八種

介部六種

蠶事部一種

附增 重誌洞庭東山地理形勢賦額人口說

陳序


物產之富無過中國顧以貧乏稱豈必政府之罪哉亦吾民不自講
求生活耳果使人盡其力應天時而取地利則五畝之家可贍八口
一夫九畝天下有餘粟矣洞庭東山地固編小民俗淳樸宜無災祲
然吾讀朱子獻淮所編物產攷竊爲抱杞人之憂蓋其歲出平均不
過六十餘萬而魚占十八萬野鴨占八萬菱蘆蓴蓮占十萬是其大
半之數皆水鄉中之天產品也而輸人之品則但食米一端年需五
十四萬有奇設遇荒歉米價倍蓰盡舉所有天然水產以易升斗恐
不能免野有餓莩吾殊爲洞庭東山之人危也攷其人工製造之品
則不過溺器剪刀砂紙三項年產不過五千餘元而綢布衣棉仰給
於外來者乃需三萬是工藝品之需要直六倍於所出之工藝品設

遇凶難不第不謀一飽且不免凍而餒矣吾益爲洞庭東山之人危也然就食鹽輸入之量以計人口則山中人口亦殊不多就其植物之種類觀知其土質以砂土爲多宜於植棉種桑惟觀表列蠶桑二項輸出之繭歲植八萬有奇桑亦四萬六千有奇夫桑爲飼蠶之料乃至用之有餘輸出額及繭之半豈山中人竟無暇自育其蠶耶吾因而知山中之人安於情逸者多矣菱蘆不耕而獲野鴨不畜而肥湖魚則以智取池蓮則以時取惟取天然之利以爲利一如俗諺之所謂在山靠山在水靠水靠天喫飯而已嗟夫我中國之幅員雖廣人口雖衆其實無一處不若是也洞庭東山之歲出入比較其流出金錢不過三十萬試一觀海關貿易冊之比較吾又不暇爲洞庭東山之人危矣安得如朱子獻淮其人各於鄉里製爲一表以警告我

醉夢中人哉吾讀是書而穆然起敬我朱子之造端宏大不自知其
涯矣謹序

民國十年元旦

天虛我生識



張序

吾中國地大物博處於亞洲大陸形勝之地物產之富駕乎各國之上何今無事不仰各國之鼻息依傍於人思之能毋愧乎緣泰西各國人心堅決不論大小事無不精求考察揆度出入日求精進吾國則不然士大夫以至於庶人日惟營謀覓利至於物產之應講求商戰之應爭競出入之應預算不明在應考察不合在應改良則茫乎置之不問間有出洋求學及至回國亦祇採取皮毛依樣胡盧至於風土是否合宜程度能否合轍概無論也試思數十年農業礦務製造仍須外人是賴此乃不從根本着想不務本而求末事安得成哉吾鄉朱子獻淮持洞庭東山物產攷分門別類殫精竭微產植及日需之物無不量入度出編輯成書雖止及於吾鄉一隅然能人人有

此志則吾國處處考求詳察由邇致遠先從土產入手再求製造盡力推廣銷行各國策能富強如日本明治維新以後能與泰西各國並駕齊驅亦無不從實業入手也人能效之富強可得獻淮誠有心人也敢不企慕之獻淮與余家爲至戚其尊甫稚村先生爲余忘年交其兄起礪爲余妹丈平時志全道合頗稱知己不意皆歸道山今獻淮繼承先德留心時務爲實業者作先導僕不文敬序數言以誌欽慕云爾

民國六年八月

全里知笙張武鏞謹識

嚴序

廛之高也必有梯以緣之廈之廣也必有礎以固之吾國地大物博爲寰球最然物各有其性甲地之肥料或不宜于乙地之種植焉乙地之食餌或不宜於甲地之飛潛焉必舉全國天產自然之物而蒐集之研究之志願非不大也毋乃鶩而寡要博而弗專與獻淮內弟深知其理因先於鄉土之物殫精竭慮于植物之性則極乎細胞胚乳之微于動物之羣則究乎孵化胎生之狀分門別類編輯成書凡若干卷受而讀之驚服贊嘆曰此厚生之基也阜財之道也言不過松竹之微雞犬之細然使知跬步之內有物有理養成實業之觀察開闢樂利之本源甯非樓之梯廈之礎也哉爰誌數語用志傾佩云爾

民國六年六月

嚴家熾序

吳序

吾鄉朱獻淮先生潛心於博物之學有年一日出所著洞庭東山物產攷見示並屬爲序言展讀之餘覺搜羅之富體物之工得未曾有因歎君之弘毅過人也夫樹藝畜牧民所攸賴前人著書立說於擇種改良之道必不言之綦詳顧諸實用輒如宋人振苗非徒無益此無他氣候之不全土宜之各別爲之限耳先生知其然也不鶩廣遠不炫新奇惟就桑梓釣游之地形形色色接觸於當前者別類分門實地攷驗於植物則究其培養之法於動物則攷其飼畜之方他若品性若何功用若何經驗所及一以筆之於書閱時既久蔚爲大觀其用心可不謂勤歟抑先生之爲此書非淵博而已蓋爲竟先德之餘緒闢一方之利源故不惜殫精竭慮爲之如此一旦梓以行世

不惟生斯長斯者咸得按圖索驥曉然於鄉土物產之可貴以興起
其改良增進之心且即小見大由近及遠世之言實業者亦得借鏡
而取資焉則此書之作爲不虛也已

民國六年六月吳繼杲謹序

蔡序

擇種改良矯天然而爲人爲之進化顧未能旦暮期效也舉他國一切政法施諸己國謂取法乎上不難一步躋文明其識蔽尙可原若居心僅藉破壞便己私非但不審利害且明知鹵莽滅裂無嘉報而姑取快一時此其心不可勝誅夫破繭出蛹尙有是蛹掘苗助長尙有是苗以數千年來人心風俗習慣本無自立自治之能力以廿餘年來學校無異科舉利祿本無愛國之實心以數十百報館中執筆餬口者勦說激昂本無効忠社會之誠意而漫誣兆衆知識已高程已到加以喜亂者雀躍謀食者蠅附則遂一旦躋文明是直蠟而蛹之棘而苗之改良改良之稱譽下且徹於末技汙業一變不可復反正又經藉口反正陰欲肆其大欲者之授人以口實乃適予無賴